

5.11. A rúbrica como método de avaliación das tarefas

As "**Rúbricas**" son métodos avanzados de cualificar usados para a avaliación baseada en criterios, que poden ser aplicadas ás "**tarefas**". A **rúbrica** consiste nun conxunto de criterios, no que para cada criterio porporciónanse varios niveis descritivos e asígnase unha cualificación numérica e/ou nominal a cada un destes niveis. O avaliador elixe que nivel contesta/describe mellor o criterio dado.

Como cualificar unha rúbrica

En principio, cada profesor pode realizar a cualificación da súa propia rúbrica como estime máis oportuno. De todas formas, existe un método estandarizado de cualificación de rúbricas que describimos a continuación.

A cualificación global normalizada calcúlase como a suma da nota obtida en cada criterio menos o valor mínimo posible, e todo isto dividido entre a suma do valor máximo posible menos o mínimo posible en cada criterio.

Este concepto entenderáse mellor cun **exemplo** ([ver a rúbrica de exemplo](#)):

Supoñamos que a nosa rúbrica ten **4 criterios** (Requisitos, Contidos, Organización, Orixinalidade), todos eles con **4 niveis** (Excelente, Ben, Regular, Deficiente) cuxas puntuacións van do **1** ao **4**.

As notas que obtivo o noso alumno de exemplo en cada criterio son 3, 1, 4 e 4 puntos respectivamente. Polo tanto, a cualificación obtida sería:

- **Numerador:** $(3 - 1) + (1 - 1) + (4 - 1) + (4 - 1) = 8$
- **Denominador:** $(4 - 1) + (4 - 1) + (4 - 1) + (4 - 1) = 12$
- **Total:** $8/12 = 0,6$

Neste exemplo, se a nota máxima da **tarefa** fose de **10 puntos**, o alumno obtería unha cualificación total de **6 puntos**.

Exemplo de rúbrica

	Excelente (4)	Ben (3)	Regular (2)	Deficiente (1)
Requisitos	Cumple todos os requisitos e incluso excede as expectativas.	Cumple todos os requisitos.	Non cumple satisfactoriamente con algún requisito.	Varios requisitos non se cumpren satisfactoriamente.
Contidos	Cubre todos os temas en profundidade con detalles e exemplos. O coñecemento do tema é excelente.	Inclúe coñecemento básico sobre o tema. O contido parece ser bastante bo.	Inclúe a información básica sobre o tema, pero ten algún erro.	O contido é mínimo e presenta varios erros.
Organización	Contido ben organizado usando adecuadamente os elementos de clasificación.	Usa elementos de clasificación e organización pero o conxunto aparenta certo desorde.	A maior parte do contido está organizado.	A organización non é clara ou non é lóxica. Demasiadas partes sen organizar.
Orixinalidade	O resultado demostra gran orixinalidade. As ideas son creativas e inxeniosas.	O resultado demostra certa orixinalidade. O traballo demostra perspicacia e novas ideas.	Usa ideas de outros, recoñecendo aos autores, pero case non hai evidencias de ideas orixinais.	Usa ideas de outros e non recoñece aos autores.

O editor de rúbrica está dispoñible como método de cualificación para as actividades de tipo **"Tarefa"**, no formulario de configuracións da **tarefa**. Polo tanto, o primeiro paso para utilizar unha rúbrica será seleccionarmos "Rúbrica" como método de avaliación no formulario de creación da propia **tarefa**.

Imaxe 3.4.1 Configurar rúbrica como método de avaliación para unha tarefa

Para acceder ao editor da rúbrica, en primeiro lugar seleccionamos a tarefa que xa está creada e a continuación pulsamos sobre o menú **"Administración de tarefas -> Cualificación avanzada -> Definir rúbrica"** do **"bloque Administración"**.



Imaxe 3.4.2 Definir a rúbrica que se utilizará

O **editor de rúbricas** permite configurar o **nome** da rúbrica, a **descrición** así como a propia rúbrica. Este editor permite engadir novos **criterios** e **niveis**, eliminalos e cambiar o orden dos criterios. Hai varias opcións nas rúbricas que poden configurarse tamén. Para cada criterio, debe cumprimentarse a descrición do criterio e para cada nivel, debe especificarse a definición do propio nivel e o número de puntos asociados co nivel. A definición da rúbrica debe gardarse usando o botón de **"Gardar rúbrica e deixala rematada"** ou o botón de **"Gardar como versión preliminar"**.

Imaxe 3.4.3 Editor da rúbrica

Última modificación: Luns, 7 de Novembro do 2016, 10:56